

14. Diakonale Sake

14.1 RAPPORT VAN DIE DEPUTATE VIR DIAKONALE SAKE (Art.14)

A. Ds. P.W.A. Mulder stel die Rapport.

B. RAPPORT:

1. Opdrag (Acta 1994:142, 3)

1.1 Die beheer oor die diakonale inrigtings berus by die plaaslike kerk waaronder die inrigting ressorteer.

1.2 Die kerkverband het ook belang by die diakonale inrigtings. Daarom benoem die Sinode Deputate vir diakonale sake om:

1.2.1 korrelerend en koördinerend op te tree;

1.2.2 geldelike hulp te bied;

1.2.3 trustees te wees vir alle eiendomme wat kragtens sy opdrag verkry word, en in regte vir daardie belange op te tree;

Motivering: Die Nasionale Sinode 1985 het besluit dat die Deputate as maatskappy geregistreer word en die Deputate tree dus as Regspersoon op (Acta 1985:471, 3.3.4.5).

1.2.4 die administrasie en organisasie behoorlik deur 'n "Skakeldeputaat" te reël;

1.2.5 die ingesamelde gelde vir die barmhartigheidsinrigtings onder sy opdrag te administreer;

1.2.6 'n skakel te wees met die regering en ander barmhartigheids- en liefdadigheidsinrigtings volgens Kerkorde, art.6 (Handelinge 1979:578, 3);

1.2.7 Om pro-aktief op te tree sodat hierdie diakonale werksaamhede van die Gereformeerde Kerke tot die beste voordeel van die GKSA kan funksioneer.

1.3 Hulpverlening aan kerke vir hulp aan predikante wat ingevolge artikels 12, 79 of 80 Kerkorde die bediening verlaat het voor 1994 (Acta 1994:238-241).

Die Sinode dra aan die Deputate vir Diakonale Sake op:

1. Om die bestuur, beheer en belegging van die beskikbare fondse te behartig

2. Om in ooreenstemming met die Ordereelings en in oorleg met die Deputate vir Emeritaatsversorging te oordeel oor die aansoeke van diakonieë om hulpverlening

3. Om by die volgende Sinode aanbevelings te maak oor 'n riglyn vir die volgende drie jaar

4. Om addisionele vrywillige hulp by die diakonieë aan te vra indien onverwagte omstandighede dit vereis

5. Om die Ondersteuningsfonds so spoedig moontlik aan alle kerke bekend te stel en 'n positiewe gesindheid vir die Fonds by lidmate en diakonieë te skep.

6. Om alle sake waaraan die Sinode nie eksplisiet aandag gegee het nie maar wat mag voortvloei uit die besluite van hierdie Sinode (1994) insake die Ondersteuningsfonds, af te handel in ooreenstemming met die Ordereelings en met die besluite van die Sinode (1994), en om daarvoor terug te rapporteer by die eersvolgende Sinode.

7. Om die Ordereelings van die Ondersteuningsfonds in die lig van die besluite van die Sinode (1994) te hersien en moontlike wysigings by die Sinode aan te beveel.

Besluit: Kennis geneem van die hele punt 1.

2. Uitvoering

2.1 *Vir kennisname:*

2.1.1 Vergaderings

Die Deputate vergader minstens twee keer per jaar (Augustus/September en Maart). Dagbestuursvergaderings word gereeld gehou soos nodig. Plaaslike besture, wat jaarliks deur die plaaslike kerkrade benoem word, vergader maandeliks.

2.1.2 Skakeling met inrigtings

Die Skakeldeputaat is gedurig in telefoniese verbinding met al ses inrigtings en besoek elke inrigting minstens een keer per jaar. Die onderskeie Besture van die tehuise lewer een keer per jaar 'n skriftelike verslag oor die voorafgaande jaar se werksaamhede.

2.1.3 Personeel

2.1.3.1 Johannesburg: Die vorige huisouers (br. en sr. Hans Oosthuizen) het 31 Desember 1994 afgetree en is opgevolg deur br. en sr. Andries Venter. Die personeel bestaan uit die huisouers, twee maatskaplike werkers, 12 assistente en 20 algemene assistente.

2.1.3.2 Pretoria: Die huisouers (br. en sr. Chris Mussmann) word bygestaan deur 'n maatskaplike werker en 10 assistente. Skoonmaakdienste word deur 'n buite-instansie gedoen.

2.1.3.3 Reddersburg: Die huisouers (br. en sr. I. van H. Fourie) word bygestaan deur 'n maatskaplike werker, 12 assistente en 19 algemene assistente werkers.

2.1.3.4 Burgersdorp: Sr. L. van der Vyver is verpleegkundige in beheer en terselfdertyd ook personeelhoof. Die personeel bestaan verder uit 3 verpleegkundiges, 5 verpleegassistentes, 7 verpleeghulpe, 4 assistente en 15 algemene assistente.

2.1.3.5 Nylstroom: Sr. A. Wolhuter is personeelhoof en ook verpleegkundige in beheer. Verder bestaan die personeel uit 4 verpleegkundiges, 8 verpleegassistentes, 8 verpleeghulpe, 4 assistente en 21 algemene assistente.

2.1.3.6 Florida: Sr. C.J. Kapp is personeelhoof en ook verpleegkundige in beheer. Die personeel bestaan verder uit 3 verpleegkundiges, 8 verpleegassistentes, 1 verpleeghulp, 4 assistente en 15 algemene assistente.

2.1.3.7 Administrasie: Ds. P.W.A. Mulder werk as van Skakeldeputaat op 'n deelydse basis. Hy word bygestaan deur twee halfdagassistente.

2.1.4 Korrelering en koördinerings

2.1.4.1 Algemeen

Die Deputate tree korrelerend en koördinerend by die

- insameling en hantering van fondse
- bepaling van beleid oor personeel en studente
- beoogde bouprojekte.

In die lig van verandering in die wetgewing en beleid van die Owerhede is die Deputate ook besig om te besin oor die Konstitusies en Reglemente van die tehuse. Hieroor sal aanvullend gerapporteer word.

2.1.4.2 Kerkverband

Die Skakeldeputaat woon die konferensie van Transvaalse diakens by. Hy spreek ook gemeentes, kerkrade en diakonieë, op hulle versoek, toe.

2.1.5 Skakeling met owerhede

2.1.5.1 Die Deputate skakel wanneer nodig met Plaaslike Besture, die Departement Gesondheid, die Departement Behuising en die Departement Welsyn. Daar is ook skakeling met die Streekswelsynrade.

2.1.5.2 Vergaderings van die Kinderhuisskakelkomitee en Bejaardesorgkomitee word deur die Skakeldeputaat bygewoon.

2.1.6 Finansies

2.1.6.1 Volledige syfers sal na ouditering van die boeke as 'n Aanvullende Rapport ingedien word. Dit sluit 'n "Begroting" vir die volgende drie jaar in (vgl. die suggestie Acta 1985:31, 3). Om 'n realistiese Begroting vir Diakonale Sake in te dien vir drie jaar vooruit is uiters moeilik omdat daar so baie veranderlikes betrokke is, bv. hoe groot subsidies sal wees, hoe pensioene aangepas word (want daarvolgens word losies op 'n formule bereken), die mate van verswakking by bejaardes (wat die toekenning van verpleegpersoneel bepaal), salarisaanpassings, voedselpryse, ens.

2.1.6.2 Ons is die owerheid innig dankbaar vir die subsidies aan ons tehuse - daarsonder sou ons nie ons kinders en bejaardes kon versorg nie. Tog is subsidies die kwesplek in die bestuur van die tehuse omdat dit die grootste deel is van die tehuse se begrotings en elke keer as subsidies besnoei/aangepas word, het dit ingrypende gevolge vir die tehuse.

2.1.6.3 Die aantal verswakte bejaardes in ons tehuse het sterk toegeneem. Dit het meegebring dat die verpleegpersoneel die afgelope drie jaar heelwat meer moes word - met die gepaardgaande finansiële implikasies.

2.1.7 Inrigtings

2.1.7.1 Johannesburg: Die President Kruger Kinderhuis in Linmeyer huisves 96 kinders en is in die gemeente Klipriviersberg.

2.1.7.2 Pretoria: Die President Kruger Kinderhuis is in die gemeente Oos-Moot en huisves 63 kinders.

2.1.7.3 Reddersburg: Die President Kruger Kinderhuis op Reddersburg huisves ook 63 kinders.

2.1.7.4 Burgersdorp: Dirk Postma Tehuis vir Bejaardes het uitgebrei om 54 verswakte bejaardes te versorg. Nog enkele woonstelle vir selfversorgende bejaardes is opgerig.

2.1.7.5 Nylstroom: Die Waterberg Tehuis vir Bejaardes versorg 72 verswakte bejaardes. In die Johannes Postma Woonstelle woon selfversorgende bejaardes.

2.1.7.6 Florida: Ons Huis Tehuis vir Bejaardes versorg 75 verswakte bejaardes en Ons Huis Woonstelle kan 38 selfversorgende bejaardes huisves.

2.1.7.7 Smaldeel: (Reddersburg) Die plaas is behoorlik beplan en in kampe verdeel. Dit voorsien grootliks in die vleisbehoefte van die PKK Reddersburg

2.1.7.8 In die lig van die toenemende druk wat subsidies op veral die bestuur van kinderhuise plaas, is die Deputate tans besig om ernstig te besin oor die toekomstige bestuur van die Kinderhuise. Hieroor sal aanvullend gerapporteer word.

Besluit: Kennis geneem van die hele punt 2.

3. Ondersteuningsfonds (KO, artt.12, 79, 80)

Briewe is aan Kerke gestuur waarin die besluite van die Nasionale Sinode 1994 meegedeel is. Verskeie kerke het gereageer deur die daarstelling van die Fonds te bevraagteken of om ander alternatiewe te suggereer.

Bydraes wat ontvang is, is ontoereikend om die doel van die Fonds te bereik. Aan die einde van die Deputate se finansiële jaar het dit R23 000 beloop. Intussen word voortgegaan met die uitbou van die Fonds.

Slegs een aansoek vir hulp is ontvang. Dit was pas nadat die Fonds in die lewe geroep is en gevolglik was daar nie middele om hulp te verleen nie. Hulp is aan die kerk aangebied in die vorm van beskikbare fasiliteite by ons inrigtings (behuising).

Omdat die uitbou van die Fonds 'n deurlopende saak is, sal ons waarskynlik hieroor aanvullend rapporteer.

Besluit: Kennis geneem.

4. Vir goedkeuring

4.1 Opdrag (Acta 1994:142, 3)

4.1.1 Die beheer oor die diakonale inrigtings berus by die plaaslike kerk waaronder die inrigting ressorteer.

4.1.2 Die kerkverband het ook belang by die diakonale inrigtings. Daarom benoem die Sinode Deputate vir Diakonale sake om:

4.1.2.1 korrelerend en koördinerend op te tree en met die kerkverband te skakel;

4.1.2.2 geldelike hulp te bied;

4.1.2.3 trustees te wees vir alle eiendomme wat kragtens sy opdrag verkry word, en in regte vir daardie belange op te tree;

Motivering: Die Nasionale Sinode 1985 het besluit dat die Deputate as maatskappy geregistreer word en die Deputate tree dus as Regspersoon op (Acta 1985:471, 3.3.4.5);

4.1.2.4 die administrasie en organisasie behoorlik deur 'n "Skakeldeputaat" te reël;

4.1.2.5 die ingesamelde gelde vir die barmhartigheidsinrigtings onder sy opdrag te administreer;

4.1.2.6 'n skakel te wees met die regering en ander barmhartigheids- en liefdadigheidsinrigtings volgens Kerkorde, art.26 (Handelinge 1979:578, 3);

4.1.2.7 om pro-aktief op te tree sodat hierdie diakonale werksaamhede van die Gereformeerde Kerke tot die beste voordeel van die GKSA kan funksioneer.

4.1.3 Hulpverlening aan kerke vir hulp aan predikante wat ingevolge KO, artt.12, 79 of 80 die bediening verlaat het voor 1994 (Acta 1994:238-241).

Die Sinode dra aan die Deputate vir Diakonale Sake op:

1. Om die bestuur, beheer en belegging van die beskikbare fondse te behartig

2. Om in ooreenstemming met die Ordereëlins en in oorleg met die Deputate vir Emeritaatsversorging te oordeel oor die aansoeke van diakonieë om hulpverlening

3. Om by die volgende Sinode aanbevelings te maak oor 'n riglyn vir die volgende drie jaar

4. Om addisionele vrywillige hulp by die diakonieë aan te vra indien omstandighede dit vereis

5. Om die Ondersteuningsfonds aan alle kerke bekend te stel en 'n positiewe gesindheid teenoor die Fonds by lidmate en diakonieë te skep

6. Om alle sake waaraan die Sinode nie eksplisiet aandag gegee het nie maar wat mag voortvloei uit die besluite van hierdie Sinode insake die Ondersteuningsfonds, af te handel in ooreenstemming met die Ordereëlins en, en om daarvoor terug te rapporteer by die eersvolgende Sinode.

Besluit: Die hele punt 4 word goedgekeur.

C. AANVULLENDE RAPPORT VAN DIE DEPUTATE VIR DIAKONALE SAKE

1. Besinning oor die voortbestaan van die kinderhuise

Aanbeveling:

"Die Nasionale Sinode besluit om die Deputate vir Diakonale Sake opdrag te gee om te besin oor die voortbestaan van die drie kindershuise en alle regsaspekte en samehangende omstandighede te ondersoek. Indien dit na ondersoek blyk dat dit noodsaaklik is om een of meer kindershuise te sluit, kry die Deputate volmag om die eiendom/me te vervreem en die opbrengs te belê en met die opbrengs die restante kindershuis(e) te subsidieer."

Motivering:

Die finansiële state van die kindershuise wat tans voor die Sinode dien, bevestig dat die GKSA nie 3 kindershuise verder kan bekostig nie. In baie gemeentes is dit nou toenemend so dat die diakens eers hul eie mense moet versorg - veral die groot getal werkloos wat tans ervaar word. Dit lyk asof die tendens verder gaan uitbrei in die nabye toekoms.

Die verwagting is dat die diakens net vir kindershuise, bo en behalwe hul gewone bydrae, bykans 'n miljoen rand ekstra sal moet deurgee om die tekort op die begroting in die komende jaar te kan hanteer. Dit is twyfelagtig of die diakens hierdie bedrag sal kan byeenbring.

Die oorspronklike rede vir die stigting van 'n kindershuis in Pretoria was om Gereformeerde kinders te versorg en op te voed. In 1979 het die Nasionale Sinode van die GKSA met 'n besluit die volgende wysiging in die konstitusie aangebring "... by voorkeur om kinders behorende aan Gereformeerde gemeentes in Suid-Afrika." Dit is gedoen om deur die Streekwelsynrade aanvaar te word (art 5).

Huidig word baie min Gereformeerde kinders in ons kindershuise opgeneem. 'n Opname in die drie kindershuise het getoon dat daar slegs 27 uit 216 (12%) kinders is wat van huis uit Gereformeerd is.

Gegewens oor die afgelope tien jaar in Pretoria wys dat die meeste opnames kinders uit die sektes is.

Die staat die kerke, wel subsidieer maar subsidies hou nie tred met die verhoogde uitgawes nie. Volgens 'n skrywe van die Departement Welsyn is daar nie vooruitsig vir verhoging nie.

Besluit: Goedgekeur nadat die woord rente vervang is met opbrengs. Die Deputate se opdrag sluit ook in die ondersoek van alternatiewe.

Die finansiële state word verwys na die Finansiële Kommissie.

2. Konstitusies van Tehuise (kyk 2.1.4.1 van oorspronklike Rapport)

2.1 *Konstitusie van die President Kruger Kindershuise (Acta 1979:567)*
Wysigings is kursief gedruk en (weglatings is tussen hakies geplaas)

Art. 1 Naam: Die President Kruger Kindershuis
FI no.....

Art. 2 Grondslag: die Kinderhuis staan op die Belydenisgrondslag van die Gereformeerde Kerke in Suid-Afrika, *dus Die Apostoliese Geloofsbelydenis, die Belydenis van Athanasius en die Belydenis van Nicea asook die Drie-Formuliere van eenheid, (die Heidelbergse Kategismus, die Dordtse Leerreëls en die Nederlandse Geloofsbelydenis) en funksioneer met in agneming van die wet op Kindersorg.*

Art. 3 Werkgebied: Die Republiek van Suid-Afrika

Art 4. Lidmaatskap: (Lidmaatskap is beperk tot)

4.1 Deputate vir Diakonale Sake daartoe benoem deur die Nasionale Sinode van die Gereformeerde Kerke in Suid-Afrika (hierna genoem die Sinodale Deputate) en

4.2 die kerkraad en die diakens van die Gereformeerde Kerk in wie se ressort die Kinderhuis geleë is.

4.3 *Kundiges/belanghebbendes daartoe benoem, soos goedgekeur deur die Sinodale Deputate vir Diakonale Sake.*

Art. 5 (Doelstellings: Om kinders wat sorg nodig het, by voorkeur behorende aan Gereformeerde gemeentes in Suid-Afrika, te versorg en hulle voor te berei vir hulle lewensroeping totdat hulle in gesinne van Gereformeerde Belydenis of in 'n goedgekeurde nasorginrigting geplaas kan word, of totdat hulle die leeftyd bereik het om selfstandig hulle plek in die samelewing te kan volstaan.)

Art. 5 Doelstellings: Om die kinders op te voed en te versorg sodat hulle potensiaal maksimaal kan ontwikkel op geestelike, sosiale en intellektuele vlak.

Art. 6 Beheer en bestuur:

6.1 Die (gemeentes in) Nasionale Sinode van die Gereformeerde Kerke in Suid-Afrika (vergader), het volle beheer oor die beleid en dra die uitvoering daarvan op *ingevolge art.21 van die Maatskappywet* aan die Sinodale Deputate *as direksie* en ('n) *die* bestuur van die Kinderhuis.

6.2 Bestuur: Die bestuur van die Kinderhuis berus by 'n Bestuur van ten minste sewe persone.

6.2.1 Die Bestuur word deur die plaaslike kerkraad benoem uit die ouderlinge, diakens en/of ander lidmate van die Gereformeerde gemeente in wie se ressort die Kinderhuis geleë is, (en, indien gewens,) uit derglike persone van naburige (Gereformeerde) gemeentes *sowel as ander vanweë hul betrokkenheid.*

6.2.2 Die ampstermyn van die Bestuur duur tot 'n volgende algemene jaarvergadering wanneer 'n nuwe Bestuur soos hierbo genoem, gekies word.

6.2.3 Die *Dagbestuur* (kies uit hulle midde) *bestaan uit:* 'n voorsitter, vise-voorsitter en sekretaris. (Hulle vorm die *Dagbestuur.*)

6.2.4 Die Bestuur kan subkomitees benoem vir spesifieke take. Vir hierdie doel kan lede gekoöpteer word (uit die breë kerkverband.)

6.2.5 Verteenwoordigers van staatsdepartemente, provinsiale of plaaslike owerhede kan in ex-officio-hoedanigheid sonder stemreg op die Bestuur dien.

6.2.6 Vakatures word aangevul by wyse van koöptering deur die Bestuur.

Art. 7 Finansies: Fondse (vir die instandhouding en voortsetting van die bedrywighede van die Kinderhuis,) word deur die Sinodale Deputate (in samewerking met die Gereformeerde gemeentes voorsien) *gekorrelleer en beheer, terwyl die Bestuur plaaslik verantwoordlikheid aanvaar.* Daar word van die dienste van 'n geregistreerde ouditeur gebruik gemaak.

Art. 8 Ontbinding

8.1 Die Kinderhuis kan ontbind word *met inagneming van die bepalinge van die Wet op Kindersorg en ter sake ooreenkomste met die staat.* (indien) Minstens twee-derdes van die lede teenwoordig op 'n algemene vergadering van lede wat vir daardie doel belê is, *moet* ten gunste van die ontbinding stem. Kennisgewing van sodanige vergadering moet minstens 21 dae voor die datum van die vergadering aan lede gestuur word met vermelding van die doel van die vergadering, naamlik die ontbinding van die Kinderhuis en die beskikking oor sy bates. Indien daar geen kworum by die ontbindingsvergadering teenwoordig is nie, word die vergadering vir minstens (7) 14 dae verdaag en die lede wat dan die daaropvolgende vergadering bywoon, is 'n kworum.

8.2 Alle bates is en bly die eiendom van die Nasionale Sinode of sy Trustees. By ontbinding van die Kinderhuis moet enige bates wat tot stand gekom het by wyse van subsidies of toelaes van die Staat, oorgedra word aan 'n ander geregistreerde welsynsorganisasie(s), by voorkeur 'n welsynsorganisasie met soortgelyke doelstellings, wat die algemene ledevergadering by ontbinding aanwys. (By gebrek aan sodanige prosedure sal die Suid-Afrikaanse Welsynsraad daaroor besluit.)

Art. 9.1 Wysiging van Konstitusie. Die wysiging van hierdie Konstitusie kan alleen geskied op 'n algemene ledevergadering of 'n spesiale algemene ledevergadering vir daardie doel belê.

9.2 Reglement: Die Bestuur stel 'n Reglement op en kan wysigings daarin aanbring.

2.2 *Konstitusie van die Tehuis vir Bejaardes (Acta 1979:568)*

Art. 1 Naam: Die-tehuis vir Bejaardes.

Art. 2 Grondslag: die inrigting staan op die Belydenisgrondslag van die Gereformeerde Kerke in Suid-Afrika, *dus Die Apostoliese Geloofsbelydenis, die Belydenis van Athanasius en die Belydenis van Nicea asook die Drie-Formuliere van eenheid, (die Heidelbergse Kategismus, die Dordtse Leerreëls en die Nederlandse Geloofsbelydenis)*

Art. 3 Werkgebied: Die Republiek van Suid-Afrika

Art. 4 Lidmaatskap: Lidmaatskap is beperk tot

4.1 Deputate vir Diakonale Sake daartoe benoem deur die Nasionale Sinode van die Gereformeerde Kerke in Suid-Afrika (hierna genoem die Sinodale Deputate) en

4.2 die kerkraad en die diakens van die Gereformeerde Kerk in wie se ressort die inrigting geleë is.

4.3 *Kundiges/belanghebbendes daartoe benoem, soos goedgekeur deur die Sinodale Deputate vir Diakonale Sake.*

Art. 5 Doelstellings: Om (hulpbehoewende) oues-van-dae, by voorkeur behorende aan Gereformeerde gemeentes in Suid-Afrika, te huisves en te versorg.

Art. 6 Beheer en bestuur:

6.1 Die (gemeentes in) Nasionale Sinode van die Gereformeerde Kerke in Suid-Afrika (vergader), het volle beheer oor die beleid en dra die uitvoering daarvan op *ingevolge art.21 van die Maatskappywet* aan die Sinodale Deputate *as direksie* en ('n) *die* bestuur van die inrigting.

6.2 Bestuur: die bestuur van die inrigting berus by 'n Bestuur van ten minste sewe persone.

6.2.1 Die Bestuur word deur die plaaslike kerkraad benoem uit die ouderlinge, diakens en/of ander lidmate van die Gereformeerde gemeente in wie se ressort die inrigting geleë is en, indien gewens, uit derglike persone van naburige (Gereformeerde) gemeentes *sowel as ander vanweë hul betrokkenheid.*

6.2.2 Die ampstermyn van die Bestuur duur tot 'n volgende algemene jaarvergadering wanneer 'n nuwe Bestuur soos hierbo genoem, gekies word.

6.2.3 Die *Dagbestuur* (kies uit hulle midde) *bestaan uit:* 'n voorsitter, vise-voorsitter en sekretaris. (Hulle vorm die *Dagbestuur.*)

6.2.4 Die Bestuur kan subkomitees benoem vir spesifieke take. Vir hierdie doel kan lede gekoöpteer word uit die breë kerkverband.

6.2.5 Verteenwoordigers van staatsdepartemente, provinsiale of plaaslike owerhede kan in ex-officio-hoedanigheid sonder stemreg op die bestuur dien.

6.2.6 Vakatures word aangevul by wyse van koöptering deur die Bestuur.

Art. 7 Finansies: Fondse (vir die instandhouding en voortsetting van die bedrywighede van die Bejaardetehuis,) word deur die Sinodale Deputate (in samewerking met die Gereformeerde gemeentes voorsien) *gekorrelleer en beheer, terwyl die Bestuur plaaslik verantwoordlikheid aanvaar.* Daar word van die dienste van 'n geregistreerde ouditeur gebruik gemaak.

Art. 8 Ontbinding

8.1 Die inrigting kan ontbind word indien minstens twee-derdes van die lede teenwoordig op 'n algemene vergadering van lede wat vir

daardie doel belê is, ten gunste van die ontbinding stem. Kennisgewing van sodanige vergadering moet minstens 21 dae voor die datum van die vergadering aan lede gestuur word met vermelding van die doel van die vergadering, naamlik die ontbinding van die inrigting en die beskikking oor sy bates. Indien daar geen kworum by die ontbindingsvergadering teenwoordig is nie, word die vergadering vir minstens 7 (14) dae verdaag en die lede wat dan die daaropvolgende vergadering bywoon, is 'n kworum.

8.2 Alle bates is en bly die eiendom van die Nasionale Sinode of sy Trustees. By ontbinding van die inrigting moet enige bates wat tot stand gekom het by wyse van subsidies of toelaes van die Staat, oorgedra word aan 'n ander geregisteerde welsynsorganisasie(s), by voorkeur 'n welsynsorganisasie met soortgelyke doelstellings, wat die algemene ledevergadering by ontbinding aanwys. (By gebrek aan sodanige prosedure sal die Suid-Afrikaanse Welsynsraad daaroor besluit.)

Art. 9.1 Wysiging van konstitusie. Die wysiging van hierdie konstitusie kan alleen geskied op 'n algemene ledevergadering of 'n spesiale algemene ledevergadering vir daardie doel belê.

9.2 Reglement: Die Bestuur stel 'n Reglement op en kan wysigings daarin aanbring.

Besluit: Goedgekeur.

Nota: Finansiële state van hierdie Deputate is op aanbeveling van die Finansiële Kommissie deur die Sinode goedgekeur (Notule art.223).

GEKWALIFISEERDE VERSLAG VAN DIE ONAFHANKLIKE
OUDITEURE AAN DIE SINODALE DEPUTATE VIR DIAKONALE
SAKE VAN DIE GEREFORMEERDE KERKE IN SUID-AFRIKA
(INGELYFDE VERENIGING SONDER WINSOOGMERK)
GEKONSOLIDEERDE FINANSIËLE JAARSTATE

Ons het die gekonsolideerde finansiële jaarstate uiteengesit op bladsy 2 tot 11 geouditeer. Hierdie finansiële state is die verantwoordelikheid van die bestuur. Dit is ons verantwoordelikheid om oor hierdie finansiële state verslag te doen.

Ons het ons oudit ooreenkomstig algemeen aanvaarde ouditstandaarde uitgevoer. Hierdie standaarde vereis dat ons die oudit beplan en onderneem om redelike versekering te verkry dat, in alle wesentlike aspekte, billike aanbidding in die finansiële state bereik is. 'n Oudit behels 'n evaluering van die geskiktheid van die rekeningkundige beleid, 'n ondersoek, op toetsgrondslag, van bewyse wat die bedrae en openbaarmakings wat in die finansiële state ingesluit is steun, 'n beoordeling van die redelikheid van beduidende ramings en 'n oorweging van die geskiktheid van die algemene aanbidding van die finansiële state. Ons is van mening dat ons ouditprosedure in die omstandighede geskik was om ons mening, wat hieronder aangebied word, uit te spreek.

Soos in die geval van soortgelyke organisasies, is dit nie gebruikelik vir die organisasie om rekeningkundige beheermaatreëls in te stel oor kontantinvordering ten opsigte van skenkings, voor die aanvanklike inskrywing van die invordering in die rekenkundige rekords nie. Dit was derhalwe vir ons onprakties om ons ondersoek uit te brei na ontvangste van skenkings bo en behalwe die wat werklik geboekstaaf is. Afgesien van die uitwerking van enige aansuiwerings wat dalk nodig sou gewees het indien die onsekerhede waarna hierbo verwys is, bekend was, verstrek hierdie finansiële state na ons mening en ooreenkomstig algemeen aanvaarde rekeningkundige praktyk, 'n redelike weergawe van die finansiële toestand van die organisasie op 31 Maart 1996 en van die resultate van sy bedrywigheede en kontantvloei-inligting vir die jaar geëindig op daardie datum.

DEN BOER EN VAN DER LAAN
GEOKTROOIEERDE REKENMEESTERS (SA)
PRETORIA
5 September 1996

GEKONSOLIDEERDE FINANSIËLE STATE 1 APRIL 1993 TOT 31 MAART 1996

| | 1994 | 1995 | 1996 | Totaal |
|-----------------------------|-----------------|-----------------|-----------------|------------------|
| <u>INKOMSTE</u> | | | | |
| Subsidie | 3,303,447 | 3,313,343 | 3,278,407 | 9,895,197 |
| Losiesgeld en huur | 1,309,049 | 1,405,310 | 1,622,107 | 4,336,466 |
| Bydrae - Persone | 220,995 | 158,906 | 245,968 | 625,869 |
| Bydrae - Kerke | 726,368 | 709,926 | 882,782 | 2,319,076 |
| Rente en Dividende | 162,774 | 136,105 | 178,053 | 476,932 |
| Intreegeld | 11,300 | 12,180 | 12,033 | 35,513 |
| Parkering | 1,535 | 1,320 | 1,525 | 4,380 |
| Eksta Etes | 23,331 | 18,942 | 19,355 | 61,628 |
| Televisiegeld | 390 | 390 | 405 | 1,185 |
| Elektrisiteit verhaal | 20,120 | 20,744 | 12,182 | 53,046 |
| Wassery | 3,199 | 2,768 | 1,943 | 7,910 |
| Versekering Ontvang | 46,931 | 2,847 | 54,025 | 103,803 |
| Opbreng - Verkope van bates | 1,970 | 16,900 | 45,085 | 63,955 |
| Snoepie inkomste | | | 315 | 315 |
| | <hr/> 5,831,409 | <hr/> 5,799,681 | <hr/> 6,354,185 | <hr/> 17,985,275 |

UITGAWES

| | | | | |
|----------------------------|-----------|-----------|-----------|-----------|
| Salaris - proff | 1,044,066 | 1,190,096 | 1,280,250 | 3,514,412 |
| Salaris - ander | 1,477,837 | 1,689,040 | 1,902,807 | 5,069,684 |
| Bonussse | 160,098 | 214,820 | 230,269 | 605,187 |
| Bydraes tot hulpskema | 359,221 | 422,109 | 481,229 | 1,262,559 |
| Honorarium | 720 | 720 | 2,520 | 3,960 |
| Vervoer | 44,325 | 56,792 | 76,427 | 177,544 |
| Reis en verblyf | 14,878 | 11,986 | 17,611 | 44,475 |
| Advertensies | 844 | 1,490 | 1,285 | 3,619 |
| Telefoon en posgeld | 42,953 | 48,071 | 54,085 | 145,109 |
| Drukwerk en skryfbehoeftes | 10,830 | 14,069 | 17,166 | 42,065 |
| Tydskrifte en boeke | 872 | 2,057 | 381 | 3,310 |
| Assuransie | 34,778 | 55,402 | 68,257 | 158,437 |
| Onderhoud - Toer en motor | 148,604 | 92,338 | 76,651 | 317,593 |
| Affiliasiegelde | 1,026 | 837 | 1,994 | 3,857 |
| Huurgeld | 6,100 | 7,200 | 1,650 | 14,950 |
| Rente op lenings | 12,413 | 12,031 | 6,322 | 30,766 |
| Instandhouding | 114,316 | 80,181 | 77,670 | 272,167 |
| Munisipale dienste | 348,952 | 437,757 | 497,465 | 1,284,174 |
| Skoonmaak en verbruik | 237,734 | 260,474 | 231,508 | 729,716 |
| Kombuis en breekware | 10,667 | 6,134 | 9,618 | 26,419 |

| | | | | |
|----------------------------------|------------------|------------------|------------------|-------------------|
| Voedselaankope | 771,403 | 904,584 | 938,834 | 2,614,821 |
| Linne, komberse, uniform | 133,258 | 182,608 | 97,426 | 413,292 |
| Aankope - Meubels en toer | | | 2,429 | 2,429 |
| Medisyne | 11,657 | 11,766 | 10,621 | 34,044 |
| Onderwys en ontspanning | 68,721 | 86,126 | 44,057 | 198,904 |
| Sak-, kerkgeld en funksies | 47,841 | 57,174 | 64,578 | 169,593 |
| Ouditeursvergoeding | 21,734 | 23,281 | 25,439 | 70,454 |
| Rekenmeesterskoste | 15,785 | 10,844 | 10,858 | 37,487 |
| Prokureurskoste | 400 | | | 400 |
| Bankkoste | 2,473 | 3472 | 4,805 | 10,750 |
| Waardevermindering | 22,459 | 29,944 | 36,241 | 88,644 |
| Lewende hawe | 2,350 | 2,810 | | 5,160 |
| Spoorvrag | 342 | 434 | 33 | 809 |
| Boerdery uitgawes | 213 | 4,543 | | 4,756 |
| Tuinonkoste | 6,353 | 9,926 | 4,669 | 20,948 |
| Bankrente | 217 | 247 | 10,901 | 11,365 |
| Diverse uitgawes | | | 2,378 | 2,378 |
| | <u>5,176,440</u> | <u>5,931,363</u> | <u>6,288,434</u> | <u>17,396,237</u> |
| BEDRYFSOORSKOT / (TEKORT) | <u>654,969</u> | <u>(131,682)</u> | <u>65,751</u> | <u>589,038</u> |

GEKONSOLIDEERDE BEGROTING 1 APRIL 1997 TOT 31 MAART 1999

| | 1997 | 1998 | 1999 | Totaal |
|-----------------------------|------------------|------------------|------------------|-------------------|
| <u>INKOMSTE</u> | | | | |
| Subsidie | 3,500,000 | 3,500,000 | 3,500,000 | 10,500,000 |
| Losiesgeld en huur | 1,703,250 | 1,789,000 | 1,880,000 | 5,372,250 |
| Bydrae - Persone | 258,500 | 277,750 | 305,000 | 841,250 |
| Bydrae - Kerke | 927,500 | 996,000 | 1,047,500 | 2,971,000 |
| Rente en Dividende | 225,000 | 230,000 | 235,000 | 690,000 |
| Intreegeld | 15,000 | 17,500 | 20,000 | 52,500 |
| Parkering | 1,535 | 1,320 | 1,525 | 4,380 |
| Eksta Etes | 25,000 | 27,500 | 30,000 | 82,500 |
| Televisiegeld | 500 | 500 | 500 | 1,500 |
| Elektrisiteit verhaal | 25,000 | 27,500 | 30,000 | 82,500 |
| Wassery | 3,500 | 3,750 | 4,000 | 11,250 |
| Versekering Ontvang | 40,000 | 40,000 | 40,000 | 120,000 |
| Opbreng - Verkope van bates | 10,000 | 12,500 | 15,000 | 37,500 |
| Snoepie inkomste | | | | 0 |
| | <u>6,734,785</u> | <u>6,923,320</u> | <u>7,108,525</u> | <u>20,766,630</u> |

UITGAWES

| | | | | |
|----------------------------------|-----------|-----------|-----------|------------|
| Salaris - proff | 1,376,500 | 1,479,500 | 1,590,000 | 4,446,000 |
| Salaris - ander | 2,045,500 | 2,199,000 | 2,364,000 | 6,608,500 |
| Bonussse | 247,500 | 266,000 | 286,000 | 799,500 |
| Bydraes tot hulpskema | 517,000 | 556,000 | 597,000 | 1,670,000 |
| Honorarium | 1,000 | 1,000 | 1,000 | 3,000 |
| Vervoer | 84,000 | 92,000 | 100,000 | 276,000 |
| Reis en verblyf | 18,000 | 19,000 | 20,000 | 57,000 |
| Advertensies | 12,500 | 15,000 | 17,500 | 45,000 |
| Telefoon en posgeld | 60,000 | 65,000 | 71,000 | 196,000 |
| Drukwerk en skryfbehoeftes | 15,000 | 17,500 | 20,000 | 52,500 |
| Tydskrifte en boeke | 500 | 750 | 1,000 | 2,250 |
| Assuransie | 75,000 | 82,000 | 90,000 | 247,000 |
| Onderhoud - Toer en motor | 80,000 | 85,000 | 90,000 | 255,000 |
| Affiliatiegelde | 2,000 | 2,200 | 2,500 | 6,700 |
| Huurgeld | 10,000 | 11,000 | 12,500 | 33,500 |
| Rente op lenings | 7,500 | 7,500 | 7,500 | 22,500 |
| Instandhouding | 80,000 | 88,000 | 90,000 | 258,000 |
| Munisipale dienste | 525,000 | 575,000 | 625,000 | 1,725,000 |
| Skoonmaak en verbruik | 200,000 | 220,000 | 240,000 | 660,000 |
| Kombuis en breekware | 10,000 | 11,000 | 12,500 | 33,500 |
| Voedselaankope | 950,000 | 1,045,000 | 1,149,000 | 3,144,000 |
| Linne, komberse, uniform | 100,000 | 115,000 | 125,000 | 340,000 |
| Aankope - Meubels en toer | 5,000 | 7,500 | 10,000 | 22,500 |
| Medisyne | 12,000 | 13,500 | 15,000 | 40,500 |
| Onderwys en ontspanning | 50,000 | 55,000 | 62,000 | 167,000 |
| Sak-, kerkgeld en funksies | 70,000 | 75,000 | 82,000 | 227,000 |
| Ouditeursvergoeding | 27,500 | 30,000 | 33,000 | 90,500 |
| Rekenmeesterskoste | 12,000 | 13,500 | 15,000 | 40,500 |
| Bankkoste | 5,000 | 5,500 | 6,000 | 16,500 |
| Waardevermindering | 40,000 | 44,000 | 49,000 | 133,000 |
| Tuinonkoste | 5000 | 5,500 | 6,000 | 16,500 |
| Bankrente | 500 | 750 | 1,000 | 2,250 |
| Diverse uitgawes | | | | 0 |
| | 6,644,000 | 7,202,700 | 7,790,500 | 21,637,200 |
| BEDRYFSOORSKOT / (TEKORT) | 90,785 | (279,380) | (681,975) | (870,570) |

BALANSSTAAT SOOS OP 31 MAART 1996

KAPITAAL AANGEWEND

| | Aantekeninge | |
|-------------------------------|--------------|------------|
| Fondse / Reserwes aangewend | 2 | 10,757,727 |
| Spesiale Trustfondse | 3 | 31,610 |
| Fondse / Reserwes onaangewend | 4 | 2,698,566 |
| Langtermynlaste | | 319,161 |
| - Okkupasieleninge | 5.1 | 67,500 |
| - Lening: Ons Huis | 5.2 | 221,341 |
| - Vriendekring | | |
| - Lening: BP Pretorius | 5.3 | 30,320 |
| | | 13,807,064 |

AANWENDING VAN KAPITAAL

| | | |
|----------------------------|---|------------|
| Vaste Bates | 6 | 11,288,941 |
| - Grond en Geboue | | 10,914,905 |
| - Meubels en Toerusting | | 96,087 |
| - Motorvoertuie | | 234,061 |
| - Masjinerie en toerusting | | 37,716 |
| - Rekenaartoerusting | | 6,172 |
| Ander Bates | | 1,907,113 |
| - Beleggings | 7 | 1,726,472 |
| - Vooruitbetalings | 8 | 180,641 |
| - Kapitaaldelging | | |
| Netto Bedryfsbates | | 611,010 |
| Bedryfsbates | | 791,863 |
| - Ontvangbare Rekeninge | | 309,865 |
| - Deposito's | | 4,241 |
| - Kontant in transito | | 31,097 |
| - Kontant en Spaarfondse | | 63,636 |
| - Bank | | 327,145 |
| - Voorraad - Voedsel | | 55,879 |

| | | |
|--------------------------|---|------------|
| Bedryfslaste | | 180,853 |
| - Betaalbare Rekeninge | | 124,148 |
| - Bedrae vooruit ontvang | | 21,705 |
| - Lening - Diakonie | 9 | 35,000 |
| | | <hr/> |
| | | 13,807,064 |

GEKONSOLIDEERDE KONTANTVLOEISTAAT VIR DIE
JAAR GEËNDIG 31 MAART 1996

| | | |
|-------------------------------------------------|--|---------------|
| <u>BEDRYFSAKTIWITEITE</u> | | |
| BEDRYFS TEKORT VOOR RENTE | | (95,079) |
| AANGESUIWER VIR: | | |
| Waardevermindering | | <hr/> 36,241 |
| KONTANT AANGEWEND IN BEDRYWIGHEDE | | (58,838) |
| TRANSAKSIES OP RESERWES EN FONDSE | | 87,031 |
| - Rente verdien | | 26,445 |
| - Skenkings ontvang | | 61,666 |
| - Aangewend gedurende die jaar | | (1,080) |
| BELEGGINGSINKOMSTE | | 178,053 |
| AANGEWEND IN BEDRYFSKAPITAALFINANSIERING | | (45,749) |
| - Afname in ontvangbare rekeninge | | 39,388 |
| - Toename in voorraad | | (9,560) |
| - Afname in betaalbare rekeninge | | (32,725) |
| - Afname in bedrae vooruitontvang | | (42,352) |
| - Toename in deposito's | | (500) |
| KONTANT DEUR BEDRYFSAKTIWITEITE VOORTGEBRING | | <hr/> 160,497 |
| FINANSIERINGSKOSTE | | (17,223) |
| KONTANT TERUGGEHOU UIT BEDRYFSAKTIWITEITE | | <hr/> 143,274 |

| | |
|---------------------------------------|-----------------|
| BELEGGINGSAKTIWITEITE | (94,736) |
| - Belegging om bedrywighe te handhaaf | (21,764) |
| - Toevoeging tot Grond en geboue | (154,503) |
| - Toevoeging tot ander bates | 81,531 |
| - Afname in belegging gemaak | |
| NETTO KONTANT SURPLUS | <u>48,538</u> |
| FINANSIERINGSAKTIWITEITE | (48,538) |
| - Langtermyn - Toename in lenings | 36,661 |
| - Korttermyn - Toename in lenings | 45,000 |
| - Toename in bank en kontant | (130,199) |
| | <u>(48,538)</u> |

AANTEKENINGE BY DIE FINANSIËLE STATE SOOOS OP 31 MAART 1996

1. REKENINGKUNDIGE BELEID

1.1 GROND EN GEBOUE:

Grond en geboue word getoon teen herwaardasie. Geen waardevermindering word voorsien nie.

1.2 ANDER VASTE BATES:

Ander vaste bates word gedepresieer op die verminderde saldo metode teen koerse wat voldoende geag word om die bates oor hul verwagte nuttige lewensduur af te skryf.

1.3 KAPITAALDELGINGS-FONDS

Kapitaaldelgings op langtermynlenings word as 'n koste teen die inkomste vir die jaar beskou en word oorgeplaas na die kapitaaldelgingsfonds.

1.4 VOORRAAD

Voorraad word teen kosprys getoon volgens die eerste-in-eerste-uit metode.

| | |
|---------------------------------------------|------------|
| 2. FONDSE EN RESERWE | 10,757,727 |
| AANGEWEND | |
| HERWAARDASIERESERWE | 5,714,778 |
| Reserwe met herwaardasie van gond en geboue | |
| AANGEWENDE FONDSE | |
| Boufonds | 991,809 |
| Saldo begin/einde van die jaar | |
| Kombuisfonds | 21,824 |
| Saldo begin/einde van die jaar | |
| Voertuigfonds | 169,175 |
| Saldo begin van die jaar | 9,429 |
| Oorgeplaas gedurende die jaar | 168,395 |
| Waardevermindering verreken | (8,649) |
| Kapitaaldelgingsfonds | 3,860,141 |
| Saldo begin van die jaar | 3,860,141 |
| 3. SPESIALE TRUSTFONDSE | 31,610 |
| Stiglingstrust | 540 |
| Saldo begin van die jaar | 481 |
| Rente verdien | 59 |
| Beyleveldt Trust | 31,070 |
| Saldo begin van die jaar | 25,605 |
| Ontvang gedurende die jaar | 3,381 |
| Aangewend gedurende die jaar | -1,080 |
| Rente verdien | 3,164 |
| 4. FONDSE EN RESERWES | 2,698,566 |
| ONAANGEWEND | |
| Kombuisfonds | 2,415 |
| Bemakingsfonds - Maatskaplik | 20,000 |
| Saalfonds | 34,011 |
| Ontwikkelingsfonds | 10,000 |
| Bussiefonds | 6,200 |
| Du Plessis Instandhoudingsfonds | 162,436 |
| SAP du Toit Boufonds | 101,253 |
| Rolstoelfonds | 2,384 |
| Prestasiefonds | 8,950 |

| | |
|-------------------------------------|-----------|
| C Erasmusfonds | 2,000 |
| A van Wyk Fonds | 6,740 |
| Personeel Hulpfonds | 2,500 |
| Personeelvoorsorgfonds | 40,293 |
| D Brits Trust - Spesiale Onderwys | 74,172 |
| Instandhoudingsfondse | 140,165 |
| Saldo begin van die jaar | 140,165 |
| Ondersteuningsfonds Diakonie | 22,800 |
| Bemakingsfonds - Algemeen | 278,285 |
| Spesiale reserwes - Tehuise | 474,442 |
| Onvoorsiene uitgawes | 195,000 |
| - Johannesburg Kinderhuis | 20,000 |
| - Pretoria Kinderhuis | 20,000 |
| - Reddersburg Kinderhuis | 20,000 |
| - Burgersdorp Ouetehuis | 20,000 |
| - Nylstroom Ouetehuis | 20,000 |
| - Florida Ouetehuis | 95,000 |
| Voorsiening vir personeelvergoeding | |
| - Florida Ouetehuis | 100,000 |
| Rente verdien op reserwes | |
| - Florida Ouetehuis | 179,442 |
| Opgehoopte oorskot | 1,309,220 |

Bogenoemde reserwes is gereserveer vir onvoorsiene uitgawes waarvoor nie begroot is nie. Bewilliging van fondse uit die reserwes sal geskied soos en wanneer die bestuur dit goedkeur.

5. LANGTERMYNLASTE

5.1 OKKUPASIELENINGS

| | |
|-----------------------------------------|---------|
| Saldo begin van die jaar | 67,500 |
| Opbrengs met okkupasiereg verkoop | 47,500 |
| Okkupasiereg verreken teen huur ontvang | 27,000 |
| | (7,000) |

Die bedrag verteenwoordig lewenslange okkupasiereg wat aan sekere inwoners verkoop is.

Die lenings is rentevry en terugbetaalbaar met opsegging van okkupasie.

| | |
|--------------------------|---------|
| 5.2 LENING - ONS HUIS | 221,341 |
| VRIENDEKRING | |
| Saldo begin van die jaar | 135,000 |
| Lening ontvang | 86,341 |

Die lening is onverseker en rentevry. R110000 van die lening is terugbetaalbaar binne 5 jaar gereken vanaf 31 Julie 1993, met in agneming van die finansiële posisie van Ons Huis woonstelle Florida. Vir die balans van die lening is daar geen vaste terugbetalingsvoorwaardes nie, alhoewel die bedoeling van 'n langtermyn aard is.

| | |
|---------------------------------------------------------|--------|
| 5.3 LENING BP PRETORIUS | 30,320 |
| Die lening is onverseker en dra rente teen 12% per jaar | |

| | |
|--------------------|------------|
| 6. GROND EN GEBOUE | 10,914,905 |
|--------------------|------------|

| | |
|------------------------------------------|-----------|
| 6.1 Besonderhede van grond en geboue | |
| President Kruger Tehuis - Pretoria | 1,477,827 |
| President Kruger Tehuis - Johannesburg | 1,642,400 |
| President Kruger Tehuis - Reddersburg | 1,031,447 |
| Dirk Postma Ouetehuis - Burgersdorp | 1,111,018 |
| Saldo begin van die jaar | 1,391,018 |
| Herwaardasie tov Woonstelskema uitgehaal | (280,000) |
| Ons Huis Ouetehuis - Florida | 1,407,783 |
| Waterberg Ouetehuis - Nylstroom | 1,099,973 |
| Ons Huis Woonstelle - Florida | 1,379,715 |
| Waterberg Woonstelle - Nylstroom | 1,667,583 |
| Hoofkantoor | 97,159 |

| | |
|-------------------------------------------------------|------------|
| 6.2 Die waarde van die grond is soos volg saamgestel: | 10,914,905 |
|-------------------------------------------------------|------------|

| | |
|--------------------------------------------------|-----------|
| - Herwaardasie | 7,373,875 |
| - Verbetering sedert 1987 tot begin van die jaar | 3,519,267 |
| - Verbeterings - Huidige jaar | 21,763 |

| | |
|--------------------------------------------------|-----------|
| 7. BELEGGINGS | 1,726,472 |
| 10% Skuldbriewe - Sorec Limited | 18,000 |
| 9% Effekte - Stadsraad Johannesburg | 5,000 |
| 11% Staatseffekte | 3,000 |
| Klas A4 aandele - Perm | 22,000 |
| Lening - Gereformeerde Kerk Johannesburg-suid | 20,000 |
| Vaste deposito's | 1,039,109 |
| Versekeringspolis | 619,363 |

Die beleggings verteenwoordig die volgende fondse

(sien ook aantekeninge 2.4)

| | |
|----------------------------|-----------|
| | 1,726,472 |
| Spesiale Trustfondse | 31,610 |
| Spesifieke fondse | 421,981 |
| Instandhoudingsfondse | 140,465 |
| Bemakingsfondse | 278,285 |
| Spesiale reserwes - Skemas | 474,442 |
| Oorskot fondse belê | 379,689 |

8. VOORUITBETAALDE UITGAWE - KAPITAALDELGING

180,641

| | |
|--------------------------|-----------|
| Vooruitbetaling | 451,604 |
| Afskrywing - Vorige jaar | (180,642) |
| - Huidige jaar | (90,321) |

Die aflossing van verbandlenings ingevolge verdiskonteringsooreenkomste het buitengewone kapitaaldelgings van R 451 604 tot gevolg gehad wat as vooruitbetaal getoon en oor 5 jaar afgeskryf word.

9. LENING VANAF DIAKONIE

35,000

Die lening is onverseker en rentevry teen geen vaste terugbetalingsvoorwaardes nie.